



Motorcykelinik ilumut eqqussisoqarsinnaangussanersoq oqallisissiatut siunnersuut.

(Inatsisartunut Ilaasortaq Bjørk Lange Olsen, Demokraatit)

Qujanaq Demokraatit Inatsisartunut ilaasortaataitaannut Bjørk Lange Olsenimut siunnersuuteqarneranut.

Qularutissaangilaq, biilernermit motorcykkilerneq ulorianarnerummat. Biilit illersuutitaqartut taaneqarsinnaapput, motorcykkilit pigingisaannik. Kisiannili tamanna tunngavigissallugu pitsaava, motorcykkiliniq eqqussisinaanerup sulii inerteqqutiginnissaanut?

Arlaannattaluunniimmi, cykkilit snescooterillu inerteqqutiginnissaanngilai, motorillit taakku biiliniq ulorianarnerugaluartulluunniit.

Nassuerutigisariaqarpara, Naalakkersuisut akissuteqaataat kamannarilaarakkut, allassimammat, Naalakkersuisut isumaqartut, oqaluuserisariaqaripput uagut politikkerit akuerisinaanerlugu, innuttaasut namminneq motorcykkilernissaminnik isummissasut, inunnik ajoqusersinnaaneq ima annertutigimmat, motorcykkilernermit biilernerminngarnit. Naalakkersuisut innuttaasut namminneq inuuniarnerminnut aammalu inuunerminnut aalajangiisinaanassusaasa tatigisariaqanginnerpaat?

Isumaqarpunga, Naalakkersuisunit taama isummerneq avaangunartumik assersuutaasoq pisortat ingerlataanniit, namminneerlutik innuttaminnik tatiginninngittunik aammalu sunik tamanik aqutserusuttunik takussutissaavoq. Isummernerit taamaattut uagut Demokraatiniq isumaqatiginnigilat. Innuttaasut tatigaagut, innuttaasullu namminneq aalajangernissaannut inuunermillu sumut atornissaannut aalajangiinissamut kiffaangissuseqarnerunissaat sulissutigerusullugu.

Bjørk Lange Olsenip siunnersuummini arlalinnik kissaateqarpoq piumasaqarlunilu, qulakkeerinnittussamik, sapinggisamik annerpaamik maani nunatsinni motorcykkilernissamut isumannaallisaatissanik. Taakku kissaatigisat assersuutigalugu isumannaallisaanermut atortunut piumasaqaataapput, qanoq utoqqaatiginissamut piumasaqaataallutik aammalu qaqugukkut, ukiup ingerlanerani motorcykkilersinnaasoqarnissaanik. Piumasaqaatit taakku naammaginartippagut, taakkulu aamma qulakkiissavaat, motorcykkilernerup isumannaannerunissaat taamanikkut 1970-ikkuunniit isumannaannerusumik.

Oqallinneq taanna tunngavigalugu Naalakkersuisut kajumissaarusuppagut misissoqqullugu, sorpiaat inatsimmi maannakkut akornutaanersut, motorcykkiliniq tikisitsisaleqqinnissamut. Tassani aamma misissortariaqarpoq, maannakkut inatsisaasumut suut tulluussarneqassanersut siunnersuuteqartup siunnersuummini kissaatigalugillu piumasaqaataanut. Taakku ajunngilluinnartumik katiterneqarsinnaagaluarput, Naalakkersuisut Inatsisartunut agguaatassaatur, kingorna paasissutissanik pisariaqartunik peqalissagatta motorcykkiliniq tikisitseqqittalernissamut inatsisitigut ammaassinissamut



DEMOKRAATIT
DEMOKRATERNE

isummernissatsinnut.

Tassalu Demokraatit oqallinnermut isummersuutaat.